



Senen, 01 Mei 2023

Ogen : Joel 1:1-3



Turiken Man Anak-anakndu



Orang tua si ndube mekatep kal nuri-nuri man anak ras isi jabuna, tupung kundul ras-ras entah kenca elah man bage pe maun jadi sope denga tunduh. Si iturikenna e banci jadi sada pengajaren man si megisa.

Renungenta wari enda kerna Kata Dibata nandangi nabi Joel. Si pemena, Joel ngajuk pertua-pertua si lit i bas paksa si e gelah megermet ngidah situasi si jadi. Kalak si megermet ngasup nentunen langkah si mehuli bas kegeluhenna. Alu kata sideban megermet mabai kita ndauh sirang ras celaka. Joel ngerana man petua-pertua segelah megermet nandangi kai si jadi genduari sabap si jadi genduari e langa pernah jadi. Subuk bas paksa nini-nini si ndube, bage paksa si genduari. Sipeduaken, Joel ngataken *"turiken man anak-anak kai si jadi genduari segelah anak-anak e ka pagi nuriken man sinusurna."* Enda me sada perintah. Engkai maka bage, tentuna segelah anak-anak e pagi meteh dengen erlajar arah kai si enggo jadi e. Orang tua nuriken man anak-anak segelah ngidah maka penemani Dibata e tetap lit mbarenda nari, genduari seh maka pagin pe kiniteken anak e la pernah mobah man Dibata. Bagenda me sada pengajaren si isehken Joel nandangi bangsa Israel. Bagi semalna bangsa enda enggo mekatep nuri-nuri man anak-anak kerna perintah Dibata (taurat si banci ioge bas Ulangen 6) bage pe bas bagin enda ipersingeti ka bangsa enda nuriken man anak-anak kerna perbahanen Dibata.

Senina Moria, berekenlah waktu guna nuri-nuri man anak-anakta. Kai saja si man turinken, la banci lang e me kap kerna perbahanen Dibata si mbelin. Nuriken pengajaren kerna keleng ate Dibata nambahi kiniteken kap.